


廬山紀事



			二二五七	漢書門
一〇	二	一	七	
	架	函	號	類

內閣文庫			
三九二九	二三五七		漢書
函	一〇	七	
架	冊	號	類

內閣文庫		
番號	漢	2357
冊數	10 (10)	
函號	292	47

十二



廬山紀事卷之十二

廬山紀事卷之十二

廣陵桑喬

廬山書院

山北自烏龍潭西南行至隘口

香爐峰紫雲菴二崇福寺林隱菴講經臺三化

城寺

烏龍潭

潭水破口之山曰龍塹其下有磐石崖關房

山疏關房嘉靖中田道人建

淺草文庫

磐石崖西為香爐峰

李德裕望匡廬賦輕煙冒於爐峰若香散於空谷

山疏峰南有石巖石橋石澗有石如人立故又曰石

人峰峰北有小瀑布泉

香爐峰北下有紫雲菴

山疏紫雲菴者相傳卽舊遺愛寺也成化間僧慈釗
嘉靖間僧無盡脩

白樂天遺愛寺前溪松詩偃亞長松樹侵臨小石溪
靜將流水對高共遠峰齊翠蓋烟籠密花幢雪壓低
與僧清影坐俗鶴穩枝栖筆寫形難似琴偷韻易迷
暑天風撼晴夜露淒淒獨憇依爲舍間行繞作蹊棟
梁君莫採留著伴幽樓

紫雲之墟有卽弘憲草堂

韋應物侍御卽弘憲遺愛草堂詩居士近依僧青山
結茅屋疎松映嵐晚春池含苔綠繁華昌陽嶺新禽
響幽谷長嘯攀喬林慕茲高世躅

白樂天草堂

唐書長慶集元和中盜殺丞相武元衡白居易時爲
贊善大夫上言此自古所未有之變宜速逐捕期必
得以雪國耻當道者惡其出位謫爲江州司馬因卽
遺愛寺西卽氏舊隱築草堂居之今廢

白樂天與元微之書僕去年獲始遊廬山到東西二
林間香爐峰下見雲水泉石勝絕第一愛不能捨因

置草堂前有喬松十數株脩竹千餘竿青蘿爲牆垣
白石爲橋道流水周於舍下飛泉落於簷間綠柳白
蓮羅生池砌大抵若是不能殫記每一獨徃動輒旬
日平生所好者盡在其中不惟忘歸可以終老

樂天祭匡山文居易賦命蹇連與時參差願於靈山
棲此陋質遺愛寺側旣置草堂欲居其中參禪養素
開構池宇在神域中徃來道由神門外輒用酒醑告
虔於神非敢徼福所期薦誠尚言又祭廬山諸神文
將仕郎江州司馬白居易以香火酒醑告于廬山遺
愛寺四旁上下大小諸神居易夙聞匡廬天下神

位宜得造茲山又聞求遠宗雷同居于是道俗
竝處古之遺風而遺愛西偏鄭氏舊隱三寺長老招
予此居創新堂宇疏舊泉沼或來或徃棲遲其間不
唯耽翫水石以樂野性亦欲擺去煩惱漸歸空門今
葺構旣成遊息方始爰以潔敬薦茲馨香不敢媚神
不敢禳禍但使疫癘不作魍魅不逢猛獸毒虫各安
其所苟人居之靜謐則神道之光明

白居易樂天草堂記匡廬奇秀甲天下山山北峰曰香爐
峰峰北寺曰遺愛寺介峰寺間其境勝絕又甲廬山
元和十一年穰太原人白居易見而愛之若遠行客

過故鄉戀戀不能去因面峰腋寺作爲草堂明年春
草堂成三間兩柱二室四牖廣袤豐殺一稱心力洞
北戶來陰風防徂暑也敞南薨納陽日備祁寒也木
斲而已不加丹牆圻而已不加白礮階用石冪窗用
紙竹簾紵幃率稱是焉堂中設木榻四屏二漆琴一
張儒道佛書各三四卷樂天旣來爲主仰觀山俯聽
泉旁昵竹樹雲石自辰及酉應接不暇俄而物誘氣
隨外適內和一宿體寧再宿心恬三宿後頽然嗒然
不知其然而然自問其故答曰是居也前有平地輪
廣十丈中有平臺半池半臺南有方池濶倍平臺

池多山竹野卉池中生白蓮白魚又南抵石澗夾岸
有古松老杉大僅十尺圍高不知幾百尺脩柯曼雲
低枝拂潭如幢豎如龍蛇走松下多濯叢蘿蕙葉蔓
駢織翳日月光不到地盛夏風氣如八九月時下鋪
白石爲出入道堂北五步據層崖積石嵌空坳坵雜
木異草蓋覆其上綠陰蒙蒙朱實離離不識其名四
時一色又有飛泉植茗就以烹燂好事者見可以求
日堂東有瀑布水懸三尺瀉階隅落石渠昏曉如練
色夜中如環珮琴筑聲堂西倚北崖右趾以剖竹架
空引崖上泉脈分綫懸自簷注砌累如貫珠霏微如

雨露滴瀝飄灑隨風遠去其旁耳目杖履可及者春
有錦繡谷夏有石門澗秋有虎溪月冬有爐峰雪陰
晴顯晦昏旦吞吐千變萬狀不可殫紀覩縷而言故
云甲廬山者噫凡人豐一屋華一簣而起居其間尚
不免有驕矜之態今我爲是物主物缺缺各以類
至又安得不外適內和體寧心恬哉管末遠宗雷輩
十八人同入此山老死不返去我千載我知其必以
是哉矧余自思從幼迨老若白屋若朱門凡所止雖
一日二日聊覆簣土爲臺聚拳石爲山環斗水爲池
其喜山水病癖如此一旦蹇剝來佐江郡郡守以優

容撫我廬山以靈勝待我是天與我所卒獲所好又
何求焉尚以冗員所羈餘累未盡或往或來未遑寧
處待余異日弟妹婚嫁畢司馬歲秩滿出處行止得
以自遂則必左手引妻子右手抱琴書終老於斯以
成就平生之志清泉白石實聞此言時三月二十七
日始居新堂四月九日與河南元集虛范陽張允中
南陽張深之東西二林長老湊朗滿晦堅等凡十有
二人具齋施果茗以落之因爲草堂記

白樂天草堂詩長松樹下小谿頭斑鹿胎巾白布裘
藥圃茶園爲產業野麋林鶴是交遊雲生澗戶衣裳

潤嵐隱山厨火燭幽最愛一泉新引得清冷屈曲遠
階流又重過江州題別遺愛草堂兼呈李十使君李
亦廬山常隱白鹿洞曾住爐峰下書堂對藥臺新
蘿徑合依舊竹窻開砌木親曾決池荷手自栽五年
方斲至一宿又須迴縱未長歸得猶勝不到來君家
白鹿洞聞道亦生苔

香爐峰又北有僧舍三曰上崇福寺下崇福寺林隱菴
九江志上崇福寺晉僧慧遠建後兵燬我明宣德
中僧祖曇天順中僧慧善弘治中僧性端繼脩
下崇福寺在上崇福寺北

山疏林隱菴在下崇福北故都綱行清之居也
朴生平未嘗近女色然善飲常從士大夫飲以酒死
菴建於正德中

江夏郭太史香爐峯詩臺上爐烟出指端大千大衆
舉頭看風起清香滿林麓萬山草木盡旃檀

香爐峯西南為講經臺

山疏講經臺亦一峰也峯頂戴大磐石可憇慧遠嘗
據之講涅槃經又於臺畔築菴製涅槃經疏
臺側有二石室風洞關門石南上即雲頂峯

宗伯學士郭正域詩兩兩高峯相對青一峯似覺響風

鈴遠公只說蓮花灑多少僧徒聽講經

講經臺北有上化城寺寺有朗公岩其名僧曰慧朗禪師
鑿禪師曰灑充

九江舊志上化城寺晉僧慧遠建我 明宣德間僧行淳繼脩

山疏賴公岩即朗公岩僧慧朗所宴坐處也在寺右

龍王鉢盂錫杖三泉觀燈石俱在寺側

北有中化城寺聖僧巖

九江舊志中化城寺隋開 中建我明宣德中僧

得讓正德中僧浩常繼脩

山疏聖僧巖在寺西南巖有石刻剝蝕不可辨

又北平麓有下化城寺

舊志下化城寺晉時建我 明成化間僧恕聰正德間僧行淳繼脩

山疏下化城西是為靈池口 在廣福觀前

桑喬生曰朱晦翁東林詩自註曰白公草堂基在寺東久
廢近復剏數椽制殊狹隘然非正處矣予嘉靖中行求草
堂遺跡山僧所指乃在紫雲菴南層崖上去爐峯不能三
數丈疑益非正處云

中下二大林寺雲峰寺

講經臺之西為虎崖有二石如人白衣傍崖立其下為中
下二大林寺

九江志中大林寺晉僧慧遠建後燬我明洪武十

五年僧永迪重建正統中僧性湧弘治間僧明岳繼

脩下大林寺即舊資聖寺唐太和間僧靈濟建我

明宣德中僧圓究重建正統中僧性芳成化中僧性

大林峯後水逕下大林北行與石門澗水會

山疏其下流有小石橋

下大林側有雲峰寺

山疏雲峰寺即接待寺語具廬山北道類中

雲峰報國寺文殊寺

大池山麓有小山曰雲峰其南山破中有僧舍曰報國寺

山疏報國寺與鐵船峰近相傳故砦場也有洞在道

傍澗水濱

文殊寺在報國寺南鐵船峰麓

石門澗

文殊寺側有石門澗

後漢地理志廬山西南有雙闕壁立千餘仞有瀑布

焉

周景式廬山記石門山在康王谷東北八十餘里是

一山之山谷有澗水名石門澗吐源渡遠為衆泉之

宗每夏霖穰潦轉石發樹聲動數十里又廬山之北

有石門水水出嶺端有雙石高竦其狀若門因有石門之目焉水道雙石之中懸流飛澍近三百許步望之連天若曳飛練於霄漢中矣又石門谷中有脩林萬頃偉木千尋日月之光罕照焉

釋慧遠形似雙闕壁立千餘仞

謝靈運山兩崖間微有門形瀑布飛瀉丹翠交耀

山疏石門澗在文殊寺南有潭是為烏龍潭石門者天池鐵船二山竝峙如門也澗水源於長衝漾於柳筆之前與九奇之水會而注於白龍潭在神龍宮側西至於石門出峽與上霄之水會而北流播於陶家埠在

駝山前 匯於鶴問賽湖名在陶家埠東北入於龍開河在九江府城西文

殊寺既在澗谷中又迫近石門四山壁立巉巖如積鐵水聲淙然遇雨漲溢喧逐終日不聞人語聲山麓諸寺此最稱奇邃焉

潯陽記石門下有磐石可坐數十人冠軍將軍劉敬宣每登陟焉

遠濼師傳慧遠居廬山三十年凡再至石門

廬山諸道人遊石門詩序石門在精舍南十餘里一名障山基連大嶺體絕衆阜闢三泉之會竝立而開流傾岩玄映其上蒙形表於自然故因以為名此雖

廬山之一隅實斯地之奇觀皆傳之於舊俗而未觀者衆將由懸瀨險峻人獸迹絕逕迴曲阜路阻行難故罕經焉釋瀆師以隆安四年仲春之月因詠山水遂杖錫而遊于時交徒三十餘人咸拂衣晨征缺然增興雖林壑幽邃而開塗競進雖乘危履石竝以所悅為安既至則援木尋葛歷險窮崖猿臂相引僅乃造極於是擁藤倚岩詳觀其下始知七嶺之美蘊奇於此雙闕對峙其前重岩映帶其後巒阜周迴以為障崇岩四營而開宇其中則有石臺石池宮館之象觸類之形致可樂也清泉分流而合注綠淵鏡淨於

天池文石發彩煥若披面檉松芳草蔚然光目其為神麗亦已備矣斯日也衆情奔悅矚覽無厭遊觀未久而天氣屢變霄霧晨集則萬象隱形流光迴照則衆山倒影開闔之際狀有靈焉而不可測也乃其將登則翔禽拂翮鳴猿厲響歸雲迴駕想羽人之來儀哀聲相和若玄音之有寄雖髣髴猶聞而神以之暢雖樂不期懽而欣以求日當其冲豫自得信有味焉而未易言也退而尋之夫崖谷之間會物無主應不以情而開興引人致潑若此豈不以虛明朗其照閒遂篤其情耶並三復斯談昧然未盡俄而太陽告夕

所存已往乃悟幽人之玄覽達恒物之大情其為神
趣豈山水而已哉於是徘徊崇嶺流目四矚九江如
帶丘阜成垤因此而推形有巨細智亦宜然迺喟然
歎宇宙雖遐古今一契靈鷲邈矣荒途日隔不有哲
人風跡誰存應深悟遠慨焉長懷各欣一遇之同歡
感良辰之難再情發於中遂共詠之云爾趣興非有
本理感興自生忽聞石門遊奇唱發幽情塞裳思雲
駕望崖想曾城馳步乘長岩不覺質自輕矯首登靈
闕眇若凌太清端坐運虛論轉彼玄中經神僊同物
化未若兩俱冥

晉謝靈運登石門最高頂詩晨策尋絕壁夕宿在山
棲疏峯抗高館對嶺臨迴溪長林羅戶穴積石擁階
基連岩覺路塞密竹使逕迷來人忘新術去子惑故
蹊聒聒夕流駛噉噉夜猿啼沉冥豈別理守道自不
攜心契九穗幹日翫三春萸愔無同懷客共登青雲
梯又石門岩上宿詩朝攀苑中蘭畏彼霜下缺暝還
雲際宿弄此石上月烏鳴識夜棲木落知風發異音
同致聽殊響俱清越美人竟不來陽阿徒晞髮

宋鮑昭登廬山望石門詩明登振雲冠升嶠遠棲趾
高峰隔半天長崖斷千里雞鳴青澗中後嘯白雲裏

瑤波逐穴開霞石觸峰起迴互非一形參差悉相似

落拖山七里岡

雲峰之麓迤邐北行則至落拖山

山疏石澗橋者石門澗之下流也在雲峰寺西北知

縣廖士衡脩石劊王宗沐石澗橋三大字

落拖山程史謂之落拖山今人謂之駱駝山在石門

橋北十里所落拖不知其義

岳珂梓叟泉江之西龜音有皇城使蘇某墓後壠中

斷田其間曰狗骨洋九江驍衛將軍陶鑑墓於石龍

山之原山折而南溝而絕之曰掘斷嶺石門澗之支

下至落拖山田也有大田田亦有田

種石餘曰銅釘地相傳地有休符詔身焉狗骨銅

釘皆所以為馱勝云

西為七里岡

山疏岡在石澗橋西南其上自南昌錄

福海院蟠龍菴羅漢寺定心菴龍溪廟

雲峰之麓並山而西其僧舍四曰

定心菴道子室一曰龍溪廟

山疏福海院在雲峰西南曰

蟠龍菴在福海院西南

羅漢寺在蟠龍菴西南寺有羅漢洞

定心菴世白雲菴西南下三數里鄰於弔橋口

龍溪廟在弔橋口東廟以祀陶桓公侃侃字士都陽

人也後徙家潯陽當典午南渡時內平叛逆外禦戎

虜有大功為晉室中興名臣以嘗督江州故祀然不

列諸祀典

上下黃龍山黃龍菴

曰雲峰西南為上黃龍山下黃龍山有僧舍曰黃龍菴

山疏上苦龍山在仰天坪西用下黃龍山在上苦龍

山西有水自仰天坪西流經二山之間散入金家

其潭曰黃龍潭潭乃在二山之側故謂二山曰黃龍

山二山之間有邃壑焉樵者伐木為橋懸諸木杪而

濟在上黃龍山者曰上弔橋在下黃龍山者曰下弔

橋因謂二山曰弔橋山硤口曰弔橋口

上石門在上黃龍山下石門在弔橋口

黃龍菴即弔橋菴在下黃龍山下

楊百萬洞在上黃龍山百萬潯陽人贊雄一邑元末

兵起百萬避諸洞中已而見殺今人猶有得遺物於

宗伯學士郭正域詩萬壑奔騰水似雷黃龍行雨幾時

回夜深若向深潭宿莫到僧堂鉢裏來

馬耳峰青雲菴石壁山報國寺兩屏風山龍潭菴約之塔

上黃龍山南為馬耳峰其下有青雲菴

山疏馬耳峰當漢陽之西北

馬耳峰之支有小山曰石壁山兩屏風山石壁之下有報國寺兩屏風之下有龍潭菴約之塔

九江志報國寺在弔橋口西南僧約之建成化間僧元凱脩

龍潭菴在報國寺西南乾德中僧約之建正德中僧永連脩菴側有白龍潭

山疏約之塔在龍潭菴西南約之者名僧也

圓通山

兩屏風山水石壁山水合而東北流其所從出曰甘泉口

九江府圖經甘泉水在縣南甘泉驛之南其水味甘既飲猶有餘香因以名焉其山即曰甘泉山

山疏甘泉口其地曰甘泉鄉土橋隴其橋曰甘泉橋驛今廢甘泉山甘泉不知孰是

潯陽記九江圖經廬山西嶺有甘泉嘗有船柁自山頂隨流而下土人呼為柁下溪

甘泉口西為圓通山

圓通寺

圓通山南有圓通寺

山疏圓通寺者本潯陽人侯氏之居也南唐李後主取以為功德院名曰崇勝寺命僧緣德居之宋將曹翰伐江州以兵入寺而德不起於座翰怒曰而知有殺人不眨眼將軍平德曰若亦知有不畏死和尚耶翰雖仇暴猶知歎異禮遇之凱旋以聞宋太祖詔賜緣德號道濟禪師賜寺名曰圓通崇勝禪寺

歐陽玄碑建寺之初得觀音大士像於土中故名紀遊集翰問攻取師曰弘灑度生則嘗聞之矣攻取之事未之學也

九江志寺在石耳峰西北後兵燬洪武中僧道鏡重建弘治中僧圓福正德中僧明璇繼脩

朱晦翁山北紀行寺無它奇但門逕竹木溪遂為河觀耳

梅溪集李後主祠在寺內今廢

寺有夜話亭改清音亭又改歐亭

圓通事實清音亭歐陽永叔與居訥禪師談道處也初永叔過圓通與居訥語達旦贈以詩訥為之作亭後廢僧崇裕又改作歐亭於方丈東圭齋歐陽玄記以詩亦廢

一翁二季亭改至樂亭又改蘇亭

圓通事實嘉祐中蘇老泉嘗與東坡穎濱寓圓通所謂一翁二季也寺僧為之作亭後廢僧崇裕又作蘇亭於方丈西亦廢

蘇東坡贈僊公詩序圓通禪寺先君舊遊也軾四月八日晚至宿焉明日乃先君忌日故手寫寶積獻蓋頌佛偈以贈長老僊公撫掌笑曰昨夜夢寶蓋飛下著處輒出火豈此祥乎

圓通之名僧道濟德止御禪師居訥可僊約之印通白雲端簡堂機真茲道旻凡十一人

寶訓宋皇祐中仁宗使銀瑄小吏以綠綈尺書召居訥住孝慈訥稱疾不起薦大覺璉或問之訥曰學道貴知足守澹若以聲利自累何厭之有郭功甫嘗依白雲端於圓通

圓通寺西有圓機禪師塔又西有青居公館

山疏圓機名道旻元人也號旻古佛其歿也天子賜葬大臣樹碑左瑄泣事云

青居鋪在中館西

藝文

明狀元羅洪先題僧石峯卷嘉靖壬辰樓余與從死

東渠行過圓通至潯陽余別北上京師東渠西入漢
中明年余以憂歸而東渠亦遭伯父喪又明年以羸
病卒每念對佛參禮夜聞鐘磬四發與僧石峰問道
濟往躅及西亭故事况若隔世悲傷繼之癸丑夏趨
龍溪王子之約重至澧堂僧石峰已不識余顏面矣
明年夏復留天池石峰持卷索詩感生死大事及三
生之說為之惘然因作數語遺之吉水念菴道人漫
筆

李夢陽聞石門澗橋斷水湧阻往東林詩漲打石門
橋溪分兩寺遙山堂今再宿水勢晚應消返日開秋
壁垂猿下澗條靜言看石耳此際更岩堯

提學副使朱應登圓通寺和抗雙谿詩一區開梵境
雙樹合禪扉幸謝同心侶能謀一醉歸細泉通石髓
殘草亂苔衣尚有鳴珂興浮生未息機

副使廖紀圓通寺詩得道高僧了不群可堪豪客遠
相聞齋心自許同天住按指猶能解世紛花繞塔前
常作雨磬飄空外半和雲何當了却人間事閒伴蒲
團坐夜分

桑喬生曰答者釋迦雖住給孤獨園然齋時托鉢乞食無
異常人真淨文和尚住歸宗歲終化主納疏粟帛填委真

淨躋額曰生民膏血文何德以堪之後之禪僧乃博取而厚積之卽如圓通當圓機時田數萬畝瓦子渡一處爲糧三百八十石有奇將焉用彼哉亦異乎達磨之訓矣

石耳峰上塔院桐樹菴雞籠山張家山

馬耳峰西南爲石耳峰其陽有侯溪其陰有清溪

山疏石耳峰峭麗其後山尤聳特梅溪集峰多石耳故名

山疏侯溪亦以侯氏名其流出圓通寺天王殿下有橋曰侯溪橋後燬溪亦絕流舊有梵音亭以祀二十五圓通大士今廢

清溪在石耳峰後山碧而窈水紺而深林茂而翠佳境也其下流出石耳峰右逕圓通寺花田坂趨烏石門

石耳之下有僧舍二曰上塔院桐樹菴

山疏上塔院者僧道濟之塔也道濟且死囑其徒曰甃吾塔必以青石石紅吾且再來其後石紅而圓機寔來人謂機爲道濟之後身云

桐樹菴在上塔院東北

上塔院水桐樹菴水竝循山行與清溪水會

石耳峰南有山二曰雞籠山張家山

廬山紀事卷十二
山疏雞籠山有柔石可用為礪

張家山水出清風嶺北至花田坂與清溪水合

清風嶺百陽山陶靖節墓靖節書院

張家山西北為清風嶺西南為百陽山百陽之陰有陶靖節墓靖節書院

山疏陶靖節墓在百陽山北麓

靖節書院在墓西南

鹿子坂在楚城鄉桃花尖山西去靖節墓三四里其

地有淵明故宅晉史陶淵明傳淵明家於柴桑縣之

柴桑山按晉柴桑縣即今德化縣楚城鄉柴桑山今

面陽馬首桃花尖諸山皆是也寰宇志柴桑近栗里

陶潛此中人

鹿子坂故有靖節祠乃後人即先生之居以祀先生

者傷有洗墨池既而兵燹祠廢為它姓田其後田為

水所衝有斷碑出焉題曰晉陶靖節先生故里北郡

李夢陽乃始以為據盡復其地歸諸陶氏然田而不

祠時正德之六年也祠乃建於百陽山陶墓之側事

由九江守馬紀在嘉靖十二年蓋先生之墓屋與地

亦以兵燹廢為它姓田李之復宅地也亦併復墓地

其後二十二年紀來為守乃始請建祠著祀典而

名之曰書院云李夢陽陶靖節集序初淵明墓失也越百餘年無尋焉予既得其山并田遂遷諸竊據而葬者塚而封識之然仍疑焉夫淵明自祭文曰不封不樹豈其時真不封不樹以啓竊據而葬者邪又曰予既得淵明墓山封識之矣又得其故居祠趾田令其裔老人瓊領業焉然其山并田德化縣屬而老人瓊星子民也會九江陶亨來言本淵明裔亨固少年麤知字義者於是使為郡學生實欲久陶墓云

續晉陽樓王弘詣陶潛潛無履從人脫履給之弘語左右為陶彭澤作履左右請履度潛即於坐上展足

令取度履至著之不疑弘邀潛與俱還州問所乘曰潛素病足乘籃輿以二門生二兒共舁之足以達矣雲僊散錄陶潛得酒輒以秫投之曰稍延清歡數日南史梁安成王顒秀為江州時聞前刺史以淵明孫為里司歎曰陶潛之德豈可不及其後裔耶即日辟為西曹

梁昭明太子陶淵明傳陶淵明字元亮或云潛字淵明潯陽柴桑人也曾祖侃晉大司馬淵明少有高趣博學善屬文類飛不群任真自得著五柳先生傳以自况曰先生不知何許人也亦不詳其姓字宅邊有

五柳樹一本無因以為號焉閒靜少言不慕榮利好讀書不求甚解每有會意欣然忘食性嗜酒家貧不能恒得親舊知其如此或置酒招之造飲輒盡期在必醉既醉而退曾不慘情去留環堵蕭然不蔽風日短褐穿結簞瓢屢空晏如也嘗著文章自娛頗示已志忘懷得失以此自終時人謂之實錄親老家貧起為州祭酒不堪吏職少日自解歸州召主簿不就躬耕自資遂抱羸疾江州刺史檀道濟往候之困臥瘠餒有日矣道濟謂曰賢者處世天下無道則隱有道則至今子生文明之世柰何自苦如此對曰潛也何

璀璨噴壑風颼颼採薪絕品淪茗澆窮愁敬陸子

陸子何年復來遊

谷簾雲液二泉與烏龍潭水合逕康陽坂入德安

景德崦馬頭山

烏龍潭水北涯自馬耳峰迤邐西南行則有面陽諸山其橫出者為景德崦

山疏景德崦以景德觀得名在面陽山西南而橫出遮水所行道勢甚雄偉水折旋走其下曰白龍灣

景德崦最西為馬頭山康陽坂之末也其墟有廢楚城縣

唐書武德初改柴桑縣為楚城縣後併入潯陽縣

疏楚城縣卽今楚城鄉在馬頭山西有故倉基及城隍廟遺趾荆林街蛇村卽却亭廟神事

白樂天早發楚城驛詩過雨塵埃滅沿江道徑平
乘殘夜出人趁早凉行寂歷閒吟動冥濛聞思生
塘翻露氣稻龍瀉泉聲宿犬聞鈴起栖禽見火驚
隴煙樹色十里始天明

白雲菴脚板崦

烏龍潭水南涯皆峻山也峭削不可縷數其名者曰白雲菴山脚板崦

山疏白雲菴在山巔其東北山巔有石如船而中

容我醉欲眠卿可去其真率如此郡將常候之值兵

釀熟取頭上葛巾漉酒漉復著之時周續之入廬山

事釋慧遠彭城劉遺民亦遜迹匡山淵明又不應徵

命謂之潯陽三隱後刺史檀韶苦請續之出州與學

士祖企謝景夷三人共在城北講禮加以讐校所住

公解近於馬隊是故淵明示其詩云周生述孔業祖

謝響然臻馬隊非講肆校書亦已勤其妻翟氏亦能

安勤苦與之同志自以曾祖晉世宰輔耻復屈身後

代自宋高祖王業漸隆不復肯仕元嘉四年將復徵

命會卒時年六十三世號靖節先生

宋顏延年靖節徵士詠夫璿王政美不為池隍之寶
桂椒信芳而非園林之實豈其樂浚而好遠哉蓋云
殊性而已故無足而至者物之藉也隨踵而立者人
之薄也若乃巢由之抗行夷皓之峻節故已父老堯
禹錡銖周漢而絲世寢遠光靈不屬至使菁華隱沒
芳流歇絕不亦惜乎雖今之作者人自為量而首路
同塵輟塗殊軌者矣豈所以昭末景泛餘波乎有晉
徵士潯陽陶淵明南岳之幽居者也弱不好弄長實
素心學非稱師文取達指在衆不失其寡處言每見
其嘿少而貧苦一作病居無僕妾井臼弗任藜藿不

母老子幼就養勤匱遠惟田生致親之議追一作情

毛子捧檄之懷初辭州府三命後為彭澤令道不偶

物棄官從好遂乃解體世紛結志區外定迹潁棲於

是平遂一作遠灌畦鬻蔬為供魚菽之祭織絢緯蕭以

充糧粒之費心好異書性樂酒德簡棄煩促就成省

曠殆所謂國爵屏貴家人忘貧者歟有詔徵著作郎

稱疾不赴春秋六十有三元嘉四年月日卒於潯陽

縣之某里一作柴桑里近識悲悼遠士傷情冥默福應鳴

呼淑貞夫實以誅華名由謚高苟允德義貴賤何算

焉若其寬樂公終之美好廉克已之操有合謚典無

愆前志故詢諸友好宜諡曰靖節徵士其詞曰物尚

孤一作時生人固介立豈伊時邁曷云世及嗟乎若士

望古遙集韜此漢族蔑彼名級睦親之行自致非敦

然諾之信重於布言廉潔簡潔貞夷粹溫和而能峻

博而不繁依世尚同詭時則異有一於此而兩一作非

默置豈若夫子因心違事一作達畏榮好古薄身厚志

世霸虛禮州壤推風秀惟義養道必懷邦之秉彝不

隘不恭爵同下士祿等上農度量難鈞進退可限長

卿棄官稚賓自免子之悟之何悟之辯賦辭歸來高

蹈獨善亦既超曠無適非心汲流舊獻葺宇家林晨

煙暮靄春煦穰陰陳書綴卷置酒絃琴居備勤儉

兼貧病人否其憂子然其命隱約就閒遷延辭聘非

直也明一作明也是惟道性糾纏幹流冥漠報施孰云與

仁實疑明智謂天蓋高胡警斯義履信曷憑思順何

寘年在中身疾病疴疾視化如歸臨凶若吉藥劑弗

嘗禱祀非恤僚幽告終懷和長畢嗚呼哀哉敬述清

哀薄歛遭壤以穿旋葬而寔嗚呼哀哉深心追往遠

情遂化自爾介居及我多暇伊好之洽接闔隣舍膏

盤畫憇非舟非駕念答宴私舉觴相誨獨正者危至

方則礙哲人卷舒布在前載取鑑不遠吾規子佩爾
寔愀然中言而發遺衆遠尤迕風先蹶身才非實榮
聲有歇徽一作音末矣誰箴余闕嗚呼哀哉仁焉而
終智焉而斃一作妻既沒展禽亦逝其在先生同塵在
世旌此靖節加彼康惠嗚呼哀哉

梁昭明太子陶靖節集序有疑陶淵明詩篇篇有酒

吾觀其意不在酒亦寄酒為迹者也其文章不群辭
彩精拔跌宕昭彰獨超衆類抑揚爽朗莫之與京橫
素波而份流干青雲而直上語時事則指而可想論
懷抱則曠而且真加以貞志不休安道苦節不以躬
耕為耻不以無財為病自非大賢篤志與道汗隆孰
能如此乎余素愛其文不能釋手尚想其德恨不同
時故加搜校麤為區目白璧微瑕惟在閒情一賦楊
雄所謂勸百而諷一者卒無諷諫何足搖其筆端惜
哉亡是可也

鄱陽湯文清公序陶公不事異代之節與子房五世
相韓之義同既不為狙擊之舉時又無漢祖可託以
行其志故每寄情於首陽易水之間又以荆軻繼二
疏三良發味所謂拊已有深懷履運增慨然者讀之
亦可深悲其志矣平生危行言孫至述酒之作始直

忠憤然猶亂以度辭千載之下讀者不省爲何語
是此翁所深致意者迄不得白於後世尤可使人增
歎而累歎也

吳澄陶靖節先生祠堂記靖節之令彭澤不過一時
牧伯辟舉板授俾得公田之利自養如古人不得已
爲祿仕者非受天子命也會幾何時不肯屈於督郵
而去充此志節詎肯忍耻於二姓哉觀述酒荆軻等
作殆欲爲漢相孔明之事而無其資責子有詩與子
有疏志趣之同苦樂之安人道三綱爲首先生舉無
愧焉孰謂漢魏以降有斯人乎

靖節書院水出白塔橋

康陽谷烏龍潭谷簾泉雲液泉

面陽山南有谷是爲康王谷

圖經紀遊集南康府新舊志康王者楚懷玉之子熊
繹也秦滅六國時王避難於谷中王翦追之急天忽
大風雷雨翦人馬不能前山疏叟記王翦所虜乃楚
王負芻非熊繹也國滅身隕焉得謚卽謚焉得康且
是時楚都壽春不在江南何由至斯谷哉康王者蓋
康陽之訛也今土人呼康王坂爲康陽坂有足證云
述異記康王谷北嶺有劉成谷天將雨輒聞其上有

鼓角簫笳聲村人以爲候

十三賢共註廬山記饒子卿隱居康王谷茅茨數椽不避風雨每漏濕則張蓋於梁上而危坐其下終日無悶色茅爛輒易謂之屋龍更衣

宋劉元剛紀遊誌予以嘉定十一年仲冬甲戌于歸宗訪墨池鏡溪乙亥自俞峰天宮萬華重雲上紫霄峰款杏林覺性丙子至靈溪三將軍洞由隆教過翻經臺栗里醉石歸去來館濯足靈湯暮抵康王觀丁丑泝澗酌谷簾泉還山缺朱泚陳伯賢段日嚴向公英同來子灞作釋元澄鐫石

毛希元題誌嘉定壬午暮春毛希元扣冰崖雋寒還憇於此

谷有烏龍潭

山疏烏龍潭有二源其北源自仰天坪其南源自漢陽坡仰天坪之南有分水坳分水坳之水其西流者旣爲弔橋水其西南流者則出小漢陽西而漢陽坡北有水西流與分水坳之水合注邃谷中大龍潭潭有龍居其壁有龍爪痕其下有龍爪迹其崖口有道人石及石牛馬

馬應翔龍君記余治匡廬之明年夏四月不雨郡境

內外秧半弗入土民以為憂余率郡僚禱庶神不雨
邑長吏禱佛舍不雨或言匡山深峭處有烏龍潭咎
嘗乞水救旱農剝其澤余聞設醮公解不憚險溯是
朝輿行午憇景德觀過谷簾路漸峻輿乍步巉巖
巨石扶掖而陟窮日之景始抵潭所忽雨點如散菽余
投文龍湫雷聲殷殷時將暮乞水下山從人各執炬
火竟夜入城府水罌甫至醮筵其澤即大沛兩晝夜
不少休陂渠水溢秧未入土者得編插民農相慶余
乃不忘龍德而歌之輔國上將軍南康路總管兼管
內勸農事馬應翔記并書大元皇慶元年歲次壬午

夏六月十有五日巳卯立石

谷簾泉

山疏谷簾泉在康王谷中漢陽坡頂之水下注西簷
箕窩西行為花石崖所束湍怒噴湧散落紛紜數十
百縷班布如瓊簾懸注三百五十丈王禹偁故名谷簾

泉廬山一奇觀也

水簾洞即谷簾泉下一統志康王谷有水簾洞蓋崖
谷蹙杳如洞穴云九江府志乃曰洞之左右林壑奇
異其洞深邃莫測源流無窮洞門高二十餘丈四時
傾瀉如織則是真有一洞與今谷簾泉形勢不合未

知是否然山陰捨此無復有所謂水簾洞者

茶經谷簾泉水為天下第一 **王禹偁**序水之來訖程

且一月矣而其味不敗取茶煮之浮雲散雪之狀與

井泉絕殊 **山疏**陸羽茶經言瀑瀉湍急者勿食今此

水瀑瀉湍急無如矣乃以為第一無亦自戾其言耶

唐張又新謝山僧寄谷簾泉詩消渴茂陵客甘涼廬

阜泉瀉從千仞石寄逐九江船竹櫃新茶出銅鑪活

火煎散花浮晚菊沸沫響秋蟬啜憶吳僧共傾宜越

椀圓氣清寧怕睡骨健欲成僊吏役尋無暇詩情得

有緣滋疑嘗沉瀟猶欠聽潺湲迢遞康王谷塵埃

羽篇何當結茅屋長在水簾前

雲液泉

山疏雲液泉在谷簾泉側山多雲母泉其液也洪纖

如指清冽其寒遠出谷簾之上乃不得為第一不識

何也

唐吳筠雲液泉賦坤元孕氣潛暢于泉冠五行之首

為萬物之先爰有清流出此山側處蒙險以難知猶

井滌之不食我搜靈秘載披載登見其地僻至潔源湲

有恒沍寒不為之縮炎暑不為之增考室以歡樂在枕

肱珍侔玄王之膏德竝雲華之液疾可蠲年可益引

充狎翫唯意所適懸之則皎潔塵之則澄碧晝浮光
以悠揚夜含響而浙瀝陰陽為災水旱失節不再矣
夏槩于玄月汪汪洪波久已竭耿耿瀑布今亦絕控
江湖之浩蕩况溪澗之微劣斯泉秉彝毫纖無虧雖
遠不霑惠而近有所滋彼崩濡於疇管豈不歎涓涓
於此時夫醴泉無源而易涸丹溜乍見而難挹曷若
平以為鑒酌焉取給何以神山之漢帝臺之漿涌異
域之表湛無人之鄉茲亦標奇於絕境真可謂靈而
長也

毒龍潭銅馬廟

毒龍潭在康王谷初谷有王莽時銅馬久而為
妖土人廟祀於澗東曰銅馬廟其後妖愈熾而毒龍
潭又時時溺人竝為厲適會道士丁玄真得三洞法
能役鬼神為移其廟於澗西妖乃息廟今廢
周景式廬山記丁玄真投銅馬於澗水中越宿馬自
還又賣之遠村買者皆病懼即送之廟乃愈

景德觀

山疏景德觀者初蕭梁大同中道士張施溪棲谷中
學老子術梁武帝聞而嘉之詔以其閭為康王觀隋
道士張允真云後據新絕前俯泓渟神龍弄珠光

唐史紀事卷十二
三十一
緋髮後兵燬復建宋應寧中詔以為景德觀建炎中
復焚燬其後不知何時乃移觀於白龍灣西負擁而
居業漫漫盛矣俄有龍出於觀殿前遂復貧索今廢
絕遊集觀舊有珍珠栢盜焚之死有異人以丹一粒
納裂處旋復生

周景式廬山記康王觀有老嫗不知所從來常糶祭
餘飼虎人畏惡之輒避去已而復來

朱文公景德觀詩循澗西北鶩崎嶇幾經丘前往荒
蹊斷豁然清溪流一涉臺殿古再涉川源幽繁行復
屢渡乃得寒巖阪飛泉天上來一落散不收披崖

敢望賢志不及也道濟館以梁肉糜而去之後為
軍建威參軍謂親朋曰無欲弦歌以為三徑之資可
乎執事者聞之以為彭澤令不以家累自隨送一力
給其子書曰汝旦夕之費自給為難今遣此力助汝
薪水之勞此亦人子也可善遇之公田悉令吏種秫
曰吾常得醉於酒足矣妻子固請種杭乃使二頃五
十畝種秫五十畝種粳歲終會郡遷督郵至縣吏請
曰應束帶見之淵明歎曰我豈能為五斗米折腰向
鄉里小兒即日解綬去職賦歸去來徵著作郎不就
江州刺史王弘欲識之不能致也淵明嘗往廬山弘

命淵明故人龐通之齋酒具於半道栗里之間邀之
 淵明有脚疾使一門生二兒昇一作舉籃輿既至欣然
 便共飲酌俄頃弘至亦無恙也先是顏延之為劉柳
 後軍功曹在潯陽與淵明情款後為始安郡經過潯
 陽日造淵明飲焉每往必酣飲致醉弘欲邀延之坐
 延之一作坐彌日不得前延之臨去畱二萬錢與淵明悉遣
 送酒家稍就取酒嘗九月九日出宅邊菊叢中坐久
 之滿手把菊忽值弘送酒至即便就酌醉而歸淵明
 不解音律而蓄無絃琴一作素琴一張每酒適輒撫弄
 以寄其意貴賤造之者有酒輒設淵明若先醉便語

俗謂之稍公船其北麓水中亦有石如船而中折

白龍潭在石船西

木瓜院在白雲菴東南今漫廢為俗人居

脚板庵在白龍潭側庵頂有泉分流其南流逕儒良
 坂其北流者循山下與烏龍潭水會泉側又別有小
 泉遵崖涓涓流石刻宋人所書谷簾泉三大字

梅溪集康王谷中有凌雲峰山疏谷中可名峰者夥
 莫知孰為凌雲

儒良嶺犢鼻山桃花尖祝家山乾壽院

脚板庵西南為儒良嶺

山疏儒良名見錢氏大宗家訓碑志云殊良俗云朱良皆非也

儒良嶺西為犢鼻山桃花尖

山疏犢鼻山北與馬頭山對峙

桃花尖山麓即鹿子坂

儒良嶺下有儒良功嶺側有祝家山乾壽院

南康志南康守陳淳祖築儒良之隘置屯戍以設守禦

山疏儒良橋儒良社並在坳南

祝家山與儒良嶺相聯絡其道從嶺南支徑折而

乾壽院在祝家山上

有石崖

儒良坂水經儒良橋出康陽坂

洞門山

儒良嶺文西南有危磴焉漢陽峰之西徼也在徼之西北則洞門山在徼之東南則般若峰虎爪崖

山疏洞門山有二石對峙如門其東有茶山坑

淵

洞門山西南有龍山廟

山疏楊柳橋在儒良坂西南橋西南則至隘口

龍山廟在楊柳橋西其側有龍山鋪鋪西南

縣


洞門山水逕楊柳橋出龍山鋪

桑喬生曰廬山諸谷有田可耕者在

中人言舊烏龍潭神龍不祥乃益北

舊潭之西南又別有黃龍潭其龍嘗見

人有值之而溺者焉



廬山紀事卷之十二終

文政庚寅



